



Na sesión celebrada na data que se indica, adoptouse o seguinte

ACORDO:

Na cidade de Ourense, a quince de marzo de dous mil cinco.

Visto o expediente de clasificación do monte como veciñal en man común coa denominación de *Penamá 17: A Carpaza*, por solicitude dos veciños da parroquia de Corvillón, do concello da Merca (Ourense).

Resultando que con data 27 de marzo de 2001, tivo entrada no rexistro da Delegación Provincial da Consellería de Medio Ambiente en Ourense, escrito dirixido ao Xurado Provincial de Montes Veciñais en Man Común asinado polos veciños da parroquia de Corvillón, concello da Merca (Ourense), solicitando se declare o monte coa denominación *Penamá 17: A Carpaza* como veciñal en man común.

Resultando que o Xurado Provincial en sesión de data 9 de xullo de 2002 acordou tomar en consideración o citado escrito e iniciar o expediente de clasificación do monte designando instructores do mesmo a Belén Bris Marino e Míriam Areal López, que aceptaron tal cargo na mesma sesión. Remitíronse





comunicacións dirixidas aos veciños da parroquia de Corvillón, á Deputación Provincial de Ourense, aos Concellos da Merca e de Allariz, á Xerencia Territorial do Catastro, á Delegación Provincial da Consellería de Política Territorial, Obras Públicas e Vivenda, ao Servizo de Montes e Industrias Forestais da Consellería de Medio Ambiente, á Delegación Provincial da Consellería de Política Agroalimentaria e Desenvolvemento Rural e aos Rexistros da Propiedade de Celanova e Allariz..

Publicáronse edictos no *Diario Oficial de Galicia* e no taboleiro de anuncios dos Concellos da Merca e de Allariz, segundo consta en dilixencias estendidas ao dorso dos edictos polos secretarios dos citados concellos, para que durante o prazo sinalado dun mes os interesados puidesen comparecer ou intervir nel, en defensa dos seus dereitos, e non consta presentada ningunha alegación..

Resultando que a anotación preventiva de iniciación do expediente, se practicou nos Rexistros da Propiedade como segue:

Rexistro da Propiedade de Celanova: Anotación Preventiva, letra A, folio 22, libro 83 do concello da Merca, tomo 801, finca número 16.002.

Rexistro da Propiedade de Allariz: Anotación Preventiva, letra A, folio 137, libro 96 de Allariz, tomo 377 do arquivo, finca número 11.547.





Resultando que na tramitación do expediente se cumpriron tódalas formalidades legais.

Considerando que o Xurado Provincial de Montes Veciñais en Man Común ten xurisdición e competencia para coñecer os expedientes de clasificación dos montes que teñan tal carácter a teor do establecido no artigo 9 da citada Lei.

Considerando que o tipo de comunidade xermánica que institúe a Lei de montes veciñais en man común ten como características esenciais as seguintes:

- 1) Que os condominios se unen por vínculos persoais de veciñanza agrupados en parroquias, aldeas, lugares, casaríos ou barrios non constituídos formalmente en entidades municipais;
- 2) Que polo tanto o número de titulares é variable e indeterminado;
- 3) Que o patrimonio colectivo é utilizado e aproveitado polo veciño, en canto membro da agrupación veciñal, faltando a idea de cota no sentido xurídico-romano;
- 4) Que o patrimonio e a participación é inalleable, imprescritible e inembargable; e
- 5) Que a comunidade é indivisible, non podendo os comuneiros pedir a "*actio communi dividundo*".





XUNTA DE GALICIA

CONSELLERÍA DE MEDIO AMBIENTE
Delegación Provincial de Ourense
Servizo Técnico Xurídico

r/ Paseo, 18 - 5^o
32003 OURENSE

Considerando que segundo informacións e testemuños resulta que os montes citados son aproveitados e posuídos en réxime de comunidade xermánica polos veciños da parroquia de Corvillón, no concello da Merca

Os datos do citado monte son os que se referencian na parte dispositiva deste acordo.

Considerando que das informacións recollidas resulta que os veciños da parroquia de Corvillón, están conformes coa clasificación do citado monte como veciñal en man común.

Considerando que a teor do disposto na Lei de montes veciñais en man común o expediente de clasificación se iniciou por acordo do xurado, por instancia dos veciños da parroquia de Corvillón, para que este xurado puidese acordar a iniciación do expediente de clasificación.

Vista a Lei galega 13/1989, do 10 de outubro, de montes veciñais en man común e o seu Regulamento: o Decreto 260/1992, do 4 de setembro, así como o establecido na Lei de réxime xurídico das administracións públicas e do procedemento administrativo común, do 26 de novembro de 1992.

Visto o Decreto 160/2004, do 27 de maio, polo que se establece a estrutura orgánica da Consellería de Medio Ambiente.

-4-





O Xurado Provincial de Clasificación de Montes Veciñais en Man Común,
á vista dos antecedentes e fundamentos expostos e por unanimidade dos seus
membros:

A C O R D A:

Primeiro. - Clasificar o monte coa denominación *Penamá 17: A Carpaza*,
de 84,45 ha, en conxunto, aproximadamente de superficie a favor dos veciños da
parroquia de Corvillón (Santa María), no Concello da Merca (Ourense) , e cos
datos que a seguir se relacionan, coma veciñal en man común, en réxime de
comunidade xermánica.

Os datos do citado monte son:

Concello: A Merca e Allariz (Ourense)

Denominación do monte: Penamá 17: A Carpaza

Comunidade propietaria: parroquia de Corvillón (-Santa María- concello
da Merca)

Superficie: 84,45 ha en conxunto, aproximadamente.

Monte no concello da Merca:

Superficie: 14,25 ha aproximadamente

Estremas.

Norte: camiño público e D. Camilo Rodríguez Fernández.

Sur: termos municipais da Bola, Allariz e Rairiz de Veiga





Leste: termo municipal de Allariz dende o punto de intersección pasando polo Penedo do Corno ata o cruzamento do camiño público que cruza o monte

Oeste: termo municipal da Bola

Monte no Concello de Allariz

Superficie: 70,20 ha aproximadamente.

Estremas:

Norte: camiño público e D^a Carmen Fernández Miranda

Sur: termo municipal de Rairiz de Veiga dende o punto de intersección

Leste: monte veciñal en man común "Penamá de Seoane" dos veciños de San Xoán de Seoane.

Oeste: termo municipal da Merca.

Segundo.- Que se proceda á exclusión do citado monte de calquera inventario, catálogo ou rexistro público no que poidan figurar inscritos a favor de persoa ou entidade distinta á que agora se asigna a súa pertenza.

Notifíquese esta resolución aos concellos da Merca e de Allariz (Ourense) , aos representantes da comunidade veciñal, ao Servizo de Montes e Industrias Forestais da Consellería de Medio Ambiente, aos que se lles fará saber que esta resolución, que pon fin á vía administrativa, pode ser obxecto de recurso






de reposición potestativo perante o Xurado Provincial de Clasificación de Montes Veciñais en Man Común de Ourense, no prazo dun mes, ou recurso contencioso-administrativo perante o Xulgado do Contencioso-Administrativo de Ourense no prazo de dous meses, ambos os dous prazos a partir do día seguinte ao da publicación no *Diario Oficial de Galicia* (artigos 109 e 116 da Lei 30/1992, de réxime xurídico das administración públicas e do procedemento administrativo común e artigos 8 e 46 da Lei 29/1998, do 13 de xullo, reguladora da xurisdicción contencioso-administrativa.)


The image shows the official seal of the Provincial Council of Neighboring Commons in Man Común of Ourense. The seal is circular and contains the text "XURADO PROVINCIAL DE MONTES VECIÑAIS EN MAN COMÚN OURENSE" around the perimeter and a central coat of arms. Overlaid on the seal and surrounding area are several handwritten signatures and initials in black ink.

A Merca (1924)



Concellos: A Merca e Allariz
Nome do monte: Penamá 17: A Carpaza
Titular: Veciños da parroquia de Corvillón (concello da M
Superficie: 84,45 ha
Escala 1:25.000





SEOANE
(San Juan)

LA TORRE

Monte de Barracel

Límite entre las parroquias de Seoane (Allariz) y Corbillón (A Merca)

- 1 Campo da Casca
- 2 Alto da Carpaza
- 3 Penedo da Rebola
- A-A' Zanja

Escala 1:10.000

Fecha 23-10-2.001

Término de Rairi

Término de La Merca

Término de La Bola



Ciera de Allariz
a Celanova

Parroquia de Curvillon
(La Merca)

Límite entre las parroquias de Seoane (Allariz) y Corbillón (A Merca)

- 1 Campo da Casca
- 2 Alto da Carpaza
- 3 Penedo da Rebola

Escala 1:25.000
Fecha 23-10-2.001